

NAQQIUT**Siunnersuut 28. april 2010-meersoq taarserpaa**

Inatsisartut Suleriaasianni § 32, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Kalaallit Nunaanni Inatsisartut aallartitaasa siulittaasuat, Josef Motzfeldt, imaattumik aalajangiiffigisassatut siunnersuuteqarpoq:

Nunat Avannarliit Killiit Siunnersuisoqatigiiffiata aalajangersagaa nr. 2/2009 Inatsisartunit taperserneqarnissaa pillugu Inatsisartut aalajangiiffigisassaattut siunnersuut, aalajangersagaq ima oqaasertaqarpoq:

Nunani avannarlerni killerni utoqqarnut tunngasut pillugit suleqatigiinneq paasissutissanillu ingerlatitseqqittarneq annertusaqqullugit Islandimi, Savalimmiuni Kalaallillu Nunaanni naalakkersuisut Nunat Avannarliit Killiit Siunnersuisoqatigiiffiannit kaammattorneqarput.

(Josef Motzfeldt, aallartitat siulittaasuat)

Tunngavilersuut:

Utoqqaat amerliartuinnarnerat inuusuttullu ikiliartuinnarnerat nunani avannarlerni killerni isumannaarniagassaavoq. Tamatuma kingunerisaanik ilaatigut paaqqutarinninnermik ingerlatsiviup iluani sulisussanik annertuumik amigaateqartoqalissaaq. Sivikinnerusumik sivisunerusumillu ilinniarsimasut eqqarsaatigalugit.

Agguaqatigiissillugu ukioqqortussuseq qaffakkiartorpoq. Periuseq angajoqqaat imminnut paarisinnaajunnaaraangata meeqqat isumaginnittarnerat paarsisarnerallu qaqutiguulersimavoq.

Aammattaaq utoqqaat illuini utoqqarnullu inissiani inissat annertuumik amigaatigineqarput. Inissiat assigiinngitsut akornanni pisariaqartitsinermut tulluurtumut nuussinnaaneq annikitsuinnaavoq, taammalu inuit angerlarsimaffimminnit utoqqaat illuinut toqqaannartumik nuuttariaqartarput, aatsaalli tamanna pisarpoq pisariaqartitsivinnek pineqartumut sivisuumik atuussimagaangat.

Nunani avannarlerni killerni innuttaasut utoqqaanerusut naammaginartunik inissaqartinnissaat, inuunerminni pitsaasumik atugaqarnissaat paaqqutarinninnermilu ingerlatsivinnik ingerlalluurtunik periarfissinnissaat qanoq qulakkeersinnaavarput?

Utoqqarnut tunngasunut atatillugu isummannaarniagassat tulluarnepaamik suleqatigiissutigisinnaavagut?

Najugaqarfiit qanoq ittut tulluarnersaappat?